

verso le rive di Po contra il nostro exercito, acciò possino passar di qua di Po.

*Di Mantoa, di sier Piero Lando orator nostro, di 29.* Come il marchexe è stato la sera a visitar il reverendo Curzense, et stato longamente in colloqui. *Item*, poi è stato dal signor con la marchexana esso Curzense in altri colloqui largi. *Item*, trama di haver Peschiera, et ha inteso ch'el marchexe non vol si dagi vituarie al nostro campo etc. Scrive aver visitato il marchexe e marchexana per nome di la Signoria. *Item*, il Curzense, se dize, partirà per Bologna dal vicerè: el qual è molto honorato; li vien deto *illustri et reverendo* etc.

In questa matina, in Rialto, fo proclamà una parte presa in quarantia criminal ozi, che sier Francesco Michiel de sier Nicolò, sier Zuan Memo di sier Nicolò . . . . Tinto et . . . Raspante, incolpati di la morte di sier Ferigo Gradenigo qu. sier Batista seguita è pochi zorni in la contra' di Santa Sophia, al qual li deteno molte ferite, che si debano questi venir a presentar in termine di zorni 8, *aliter* si prozederà contra di loro, la soa absentia non ostante.

Da poi disnar, fo Consejo di X con la zonta, e fato scrivàn a l'armamento Sebastian . . . . solito a tender li scrivàn, el qual dete a la Signoria ducati 500. Fo soto Pandolfo Manzini qual deva ducati 1000; sichè questo Sebastian romase.

— Fono fati cai di X tre nuovi: sier Zacharia Gabriel fo governador di l'intrade, sier Piero Nani fo podestà et capitano a Treviso, et sier Alvixe d'Armer fo provedador a Rimano, qu. sier Simon.

— Noto. In questo mexe non si fa marchadi a San Marcho ni a San Polo, levati per quelli provedadori sora la sanità per il morbo.

*Item*, la farina val lire 5, soldi 10 il staro, ch'è optimo marchado.

In questo mexe vene in questa terra Alexandro Capella secretario di sier Andrea Griti, fo preso in Brexa da' francesi, era in Pavia; pagò di taia scudi . . . .

*Etiam* è da saper che hessendo stà confinà, per il Consejo di X, sier Alvixe di Mezo di sier Francesco a Famagosta, et hessendo stà conduto sopra la nave Simitecola per condurlo su dita ixola, quello con bel modo fuzi di nave per non andar in confin e fo conduto a Ravenna e li starà o dove li piace; e poi l'andò a Roma in caxa dil cardinal Grimani. Vi stete . . .

265\* — *Dei Urzi Nuovi, di sier Nicolò Michiel provedador, vidi letere, di 29.* Avisa quelli di Sonzino hanno tirato di là il porto che passa Ogio e fato far

una erida, che tutti li soi subditi che serve la Signoria nostra, in termene di zorni tre debano ritornar a caxa soto pena di rebelione; li soldati che ne serve, quelli che li trovano li dispoglia, sachiza et amaza, ch'è cossa li fa grande dolor, nè sa dove procieda questo etc.

*Conto di danari dispensadi a' sguizari* 266  
1512.

#### *A conto di loro stipendio.*

|                                        |                   |
|----------------------------------------|-------------------|
| A di 15 zugno, contadi al reven-       |                   |
| dissimo cardinal Sedunense             |                   |
| per parte ducati 20 milia de           |                   |
| camera, val . . . . .                  | ducati 19354.5. 4 |
| A di 26 dito, contadi al dito du-      |                   |
| cati 10 milia di camera, val . . . . . | » 9677.2.12       |
| A di 7 luio, contadi al dito ducati    |                   |
| 4000 di camera, val . . . . .          | » 3870.1. 8       |

Summa ducati 34000 streti, largi ducati 32903.1. 8

#### *A conto di doni.*

|                                        |               |
|----------------------------------------|---------------|
| A di 15 zugno, contadi al reve-        |               |
| rendissimo cardinal per donar          |               |
| a li magnifici barone Alto Sa-         |               |
| xo e capitano di Zurich ray-           |               |
| nes 600, val . . . . .                 | ducati 435.3. |
| A di primo luio, contadi a domino      |               |
| Petro Capelan et secretario            |               |
| dil cardinal raynes 200, val . . . . . | » 145.1.      |
| A di 5 ditto, contadi a li capitani    |               |
| contestabeli, confederati, in-         |               |
| terpreti e tuti li cantoni di Si-      |               |
| gnori Elvetii, computà ducati          |               |
| 10 dati a domino Zuane fa-             |               |
| miliar dil capitano di Zurich,         |               |
| e ducati 5 contadi a Zuan An-          |               |
| tonio so interprete, fo a di           |               |
| primo luio . . . . .                   | » 1595.3.10   |
| E per interesse di monete lire 120,    |               |
| soldi 4, val . . . . .                 | » 19.2. 8     |

Suma ducati 2210.3.14

#### *A conto di garbugii.*

A di 6 luio, contadi al reveren-

dissimo cardinal per la morte